



INSURANCE AGENCY OF
BOSNIA AND HERZEGOVINA

Broj: 02-16-4-171-15/22
Sarajevo, 01.11.2022. godine

Na osnovu člana 72. stav (2), člana 87. stav (3) i člana 90. Zakona o javnim nabavkama („Službeni glasnik BiH“, br. 39/14 i 59/22), člana 133. stav (4) Zakona o obligacionim odnosima („Službeni list RBiH“, br. 2/92, 13/93 i 13/94 i „Službene novine Federacije BiH“, br. 29/03 i 42/11), člana 7. stav (1) tačka b) Pravilnika o postupku direktnog sporazuma („Službeni glasnik BiH“, br. 90/14) člana 8. stav (1) tačka b) Pravilnika o internim procedurama u postupcima javnih nabavki u Agenciji za osiguranje u Bosni i Hercegovini br. 02.3-02-2-62-1/17 od 23.03.2017. godine i člana 8. stav (1) Pravilnika o unutrašnjoj organizaciji Agencije za osiguranje u Bosni i Hercegovini br. 01.1-02-1/06 od 12.10.2006. godine i br. 02.3-02-2-239-1/15 od 05.08.2015. godine, direktorica Agencije za osiguranje u Bosni i Hercegovini, donosi

O D L U K U

1. Prihvata se prijedlog Komisije za nabavke dat u Izvještaju br. 02-16-4-171-14/22 od 01.11.2022. godine, u postupku javne nabavke po Ugovoru o nabavci kancelarijskih potrepština, kompjuterske opreme i potrepština i tonera br. 02-16-4-171-9/22 od 17.08.2022. godine.
2. U skladu sa tačkom 1. Odluke sačiniti aneks Ugovoru o nabavci kancelarijskih potrepština, kompjuterske opreme i potrepština i tonera br. 02-16-4-171-9/22 od 17.08.2022. godine, kojim će se iz nabavke izuzeti stavka br. 19. iz Specifikacije ugovornog organa i Ponude dobavljača - 2 (dva) komada originalnog tonera XEROX Phaser 3300MFP.
3. Odluka stupa na snagu danom donošenja.

O b r a z l o ž e n j e

Nakon provedenog postupka javne nabavke kancelarijskih potrepština, kompjuterske opreme i potrepština i tonera, Agencija za osiguranje u Bosni i Hercegovini (u daljnjem tekstu: Agencija) je kao ugovorni organ zaključila sa ponuđačem Tr. Evrobih, Sarajevo, Ulica Adema Buće broj 77, Ugovor o nabavci kancelarijskih potrepština, kompjuterske opreme i potrepština i tonera br. 02-16-4-171-9/22 od 17.08.2022. godine (u daljnjem tekstu: Ugovor o nabavci).

Nakon zaključenog Ugovora o nabavci dobavljač je dana 13.09.2022. godine Agenciji isporučio svu ugovorenu robu, izuzev dva komada originalnog tonera XEROX Phaser 3300MFP. U napomeni navedenoj u Otpremnici br. 01-09/2022 od 13.09.2022. godine dobavljač je obrazložio da stavka 19. TONER XEROX PHASER 3300MFP originalni 2 kom – nije isporučena jer se čeka uvoz, te da će istu naknadno dostaviti.

Međutim, dobavljač je mail-om od 07.10.2022. godine, koji je protokolisan pod br. 02-16-4-171-13/22 od 17.10.2022. godine, informisao Agenciju da nije dobio predmetne tonere, pa iste nije u mogućnosti isporučiti, tako da će faktura biti sačinjena bez navedenih

tonera. Dakle, nakon zaključenja ugovora, nastupile su okolnosti koje utiču na to da dobavljač nije u mogućnosti isporučiti dva komada originalnog tonera XEROX Phaser 3300MFP.

Zakon o javnim nabavkama („Službeni glasnik BiH“, br. 39/14 i 59/22) u članu 72. stav (2) propisuje da se ugovor o javnoj nabavci zaključuje u skladu sa zakonima o obligacionim odnosima u Bosni i Hercegovini - u konkretnom slučaju na predmetni ugovor se primjenjuje Zakon o obligacionim odnosima („Službeni list R BiH“, br. 2/92, 13/93 i 13/94 i „Službene novine Federacije BiH“, br. 29/03 i 42/11), koji u Glavi IV propisuje uslove za raskidanje ili izmjenu ugovora zbog promjenjenih okolnosti.

Imajući u vidu naprijed konstatovane okolnosti Komisija za nabavke Agencije je u svom Izvještaju konstatovala da je od zaključenja Ugovora o nabavci došlo do promjene okolnosti usljed kojih dobavljač ne može izvršiti svoju obavezu u odnosu na stavku 19. iz Specifikacije ugovornog organa i Ponude dobavljača. Komisija je također konstatovala da je isporukom robe dana 13.09.2022. godine ostvarena svrha ugovora i da nemogućnost ispunjenja obaveze u odnosu na stavku 19. Specifikacije ugovornog organa i Ponude dobavljača ne predstavlja okolnost usljed koje bi se ugovor trebao raskinuti.

Stoga, imajući u vidu Izvještaj Komisije za nabavke, a u skladu sa članom 72. stav (2) Zakona o javnim nabavkama i članom 133. stav (4) Zakona o obligacionim odnosima, odlučeno je kao u dispozitivu.

Dostavljeno:

1. Tr. Evrobih, Sarajevo
2. oba odjeljenja Agencije
3. a/a

